

تاریخ عثمانی انجمنی

مجموعہ سی

ایک آیدہ برنسر اولنور

مندرجات

منظوم بر سفارتنامہ	عبدالرحمن شرف
علمدار مصطفی پاشا (مابعد)	افضل الدین
دکترلی (لادیق) امارتی	احمد توحید
اوجنچی سلطان مرزادک انکلتز قرالیچہ سی الزابتہ برنامہ سی صفوت	
قرہ مان اوغللری حقندہ و نائق محکو کہ (مابعد)	خلیل ادہم
سیسام بکلری	احمد توحید
تفرقہ : قانوننامہ آل عثمان	عارف
تاریخ سلطان محمد خان ثانی بہ عائد ہجائی فہرست	

فیثانی ہ غروش

مرجی — باب عالی تاریخ عثمانی انجمنی

استانبول

مکتبہ حیات و فکر

طبعہ نیوٹن پریس

۱۳۳۰

دکزی (لادیق) امارتی

روم سلجوقی دولتتک انقراضیله تشکل ایدن طوائف ملوکدن بری ده دکزی بکری در .

رومالیلر دورنده اناطولی ایالتک مرکزی بولونمش اولان لادیق [۱] شهر قدیم مشهوری جوارنده کائن اولان دکزی موقعنک لطافتی ، صولرینک کنزتی، اثمارینک مبدولیتی ایله رومک دمشق عنوانی آلمشدر . این بطوطه سیاحتنامه سنده دکزی بی لاذق (لادیق) ودون غزله [۲] نامرلیله ذکر ایدره رک برچوق مدایحنده بولونیور . پاموق منسوجاتی مشهور اولدیغنی افاده ایدیور .

مسالك الابصارده دکزی « طغزلو » املاسیله مذکوردر : موقعا دمشقه بکزه دیکنی حتی صولری دها چوق اولدیغنی بیان ایتدیکن صوکره بولغنی و او جوزلغنی و ضایع نسجه سنی مدح و ثنا ایتکده در . بوشهر روم سلجوقی دولتتک یدضطنه کچمش و سلطان غیاث الدین کیخسرو اول ۶۰۱ سنه سنده ایکنجی دفعه قونیه سریر سلطنته جالس اولق اوزره ازنیق شهرینه موصلتنده سربستی مروری ایچون خوناس ولادیق و دیگر بقاعی یزانتینلره ترکه مجبور اولمشیدی [۳] سلطان مشارالیه [۱] سوریه ده حکمران اولش اولان انطیوخوس سوتیر زوجسی « لائودیکه آ » نامنه تأسیس ایتشدر .

[۲] مدینه لاذق (وهی بکسرالذال المعجم وبعده قاف) و تسمى ابضادون غزله و تفسیره بلد الحنازیر . [صولرینک چوقلفندن دکزی تسمیه ایداش اولاسی عقله دها قریدر و روایت عمومیه ده بوله در] رحله ابن بطوطه جلد صحیفه ۲۱۷ مصر طبعی

[۳] جون بازنیق رسید فاسلیوس [ازنیق امپراطوری لاسقاریس اولالیدر] مانع شدکه من با پسر سلطان رکن الدین یعنی مغلظ عهد کرده ام امکان ندادرکه

بلاد مذکورہ بی استرداد ایچون لاسقاریسہ اعلان حرب ایتمش و محاربه بی‌ده
 قزاقمش ایکن دینار جوارنده شہدا و لمشدر. سلطان مشارالیه قسطنطنیہ‌ده
 بولوندیغی ہنکامدہ ماوروزوم عالمہ سندن آثار مہماننوازی کورمش
 و حتی بوخاندانن برقیزی‌ده تحت ازدواجہ آلمش اولدیغندن لاسقاریس
 لادیق ، خوناس و مندرس نہری اوزرنده کائن مواقع ساثرہ بی
 مانوئل ماوروزومہ ترکہ مجبور اولمشیدی . مانوئل ماوروزوم
 روم سلجوقی دولتک تحت حمایہ سندن اولہرق کوچک بر حکومت تشکیل
 ایتمشیدی . [۱] حکومت مزبورہ نک نہ قدر زمان دوام ایتمیکنہ دائر
 معلومات ایڈینہ مہدم ایسہدہ ہر حالده یک آز زمان اولسہ کر کدر .
 زیرا صاحب اتا غنوانیہ معروف صاحب فخرالدین علی‌نک وزارتی
 اباقاخان اعادہ ایتمیکندہ لادیق و خوناس و قراحصار دولہ سر لشکر لکنی
 یعنی قوماندانغنی صاحبک ایکی اوغلنہ تفویض ایتمشیدی .
 جبری وقعہ سندن غیاث‌الدین کیخسرو ثالث بن قلیچ ارسلان رابع
 مظفر اولونجہ سلجوقی لک اطاعتدن خروج ایڈن لک تأدینہ ابتدار
 ایلہدی . بوضیرہ دہ لادیق و خوناس اہالیسی علی بکک اجانبہ میل ایتمش
 اولماسندن شکایت ایتمش اولملریلہ میرمومی الہی طوتدیروب قرہ حصارہ
 کوندر دیلر اورادہ قورقوسندن اولدی [۲]

بوعلی بک حقدہ معلوماتہ دسترس اولامادم ہر حالده روم سلجوقی
 دولتک اعظم امراسندن اوچ بکلرندن اولماسی مأمول قویدر . دکزلی
 امارتی علی بکک مخدومی طرفین تأسیس اولمشدر .

کدارم کہ سلطان بقصد ملک اوروانہ شود . روزی چنددرین قیل و قال بودند .
 آخر الامر برآن قرار گرفت کہ ہرجہ سلجوقیان از ولایت روم تاحدود قونیہ
 کبودہ اند چون خوناس ولادیق و دیگر بقاع بنواب فاسلیوس تسلیم کنند .
 ابن بی بی مختصر سلجوقنامہ صحیفہ ۲۶

[۱] مختصر سلجوقنامہ ابن بی‌بی‌دہ ماوروزوم (مفرزوم) وقومنینوس
 (کینانوس) شکلندہ ضبط ایڈلشدر .

[۲] مختصر سلجوقنامہ ابن بی‌بی صحیفہ ۳۳۳

شجاع الدین تتج بک بن علی بک

بودانک اسمی ابن بطوطه سیاحتنامہ سندہ ینتج (بیاء آخر الحروف مفتوحه ثم نونین اولاهما مفتوحه والثانیہ مسکنه وجیم) شکلندہ یازلشدرد. دکڑلی مبعوث سابق احمد محب افندی حضر تلرینک لطف ایتدکڑلی آتی الذکر کتابہ ده تتج صورتندہ مضبوطدر تتج، تنش علمنک شکل آخرده تلفظی، ینتج ایسه ترک حکمدار لک عنوانلری میانندہ بولنان اینانج ک محفنی اولماسی واصل اسمی تتج اولوب ینتج عنوانی اولقلہ ابن بطوطه نک عنوان مذکورری علم ظن ایتش بولونماسی وارد خاطر در. تتج بک سکهسی هنوز الده ایدیه مہدی. احتمال کہ سکه ضرب ایتشدرد.

میرشار الیهک و پدیرینک اسمی حاوی مرمر اوزرینہ محکوک یکانہ کتابہ، دکڑلی ده بیوک مزار لک سرای کوی جادہ سنہ ناظر اسکی موصلق قربندہ کی مزارلق دیوارندہ در. بو کتابہ بی استنساخله بر صورتی اعطا ولادیق ده مضروب مراد بکله اسحق بکک و کرمان اوغللرندن سلیمان بن محمدک تعرفلری زیرده محرر مسکوکاتی اعاره لطفندہ بولوندیغندن فاضل محترم احمد محب افندی حضر تلرینہ علناً تشکر ایدرم. کتابہ نک حاوی اولدینی عبارات:

هوالباقی

بی هذه العماره فی ایام دولت
الامیر المعظم شجاع الدین تتج بک ابن علیک
مد الله ظله صاحبه خواجه لؤلؤ الذواق
احسن الله عواقبه فی شهر رمضان سنہ خمس وثلثین
وسبعمائہ

مراد بک بن تتج بک

ابن بطوطه، دکڑلی جوارندہ کی باغندہ بودانی ده زیارت ایتش اولدینقی

سیاحتنامہ سندیہ یازمشدر . مشار الیہ حقندہ - ابن بطوطہ نک بوقیدندن
وپردہ برقاج کموش پاره سندن ماعدا - ہیچ بر معلومات اللہ ایده مہدم
مراد بکک مسکوکاتی :

- ۱ -

ضرب	اضعف
بمحروسه	العباد
لادیق	عبده مراد
محب افندی قولکسیونی	

- ۲ -

ضرب	الملك لله
بمدینه	عبده مراد
لادیق	
محب افندی قولکسیونی	

- ۳ -

ضرب	الملك لله
مدینه	عباده
لادیق	مراد
موزة هایون عثمانی قولکسیونی	

اسحق بن مراد

بوذاتک برتک کموش پاره سندن غیرى محله نامنی کوره مہدم بوباره ده
عبارات آتیہ محرردر :

العباد	الله
اضعف	لا اله الا
اسحق بن	محمد رسول
مراد	الله
موزة هایون قولکسیونی	

عبدالله (بن) اسحق ؟

محب افدینک قولکسیوننده یدی یوز التمش اوج تاریخی بر سکه
واردرکه عبدالله اسحق یازیلیدر . وایکی اسم آره سنده بن کله سی یوقدره .
عبدالله علم می در . علم اولدینی تقدیرده عبدالله بک نامنده بردکڑلی بکی
واردر . اضعف العباد کبی صفت ایسه بو کوش پاره ده اسحق بککدر
سکه مذکورہ نک حاوی اولدینی عبارات بروجہ زبرد :

لااله الا الله	ضرب بمدینة
محمد رسول الله	لادیق سنه لا
عبدالله اسحق	ورو سبعمائہ

« لا » اوجه و « ر » التمشہ دلالت ایدن ارقام دیوانیہ دندر . بو
سکه نک تاریخی ۷۶۳ در

دکڑلی امارتی کرمان اوغلرندن سلیمان بن محمد یدینه کچمشه ده
نه وجهله اولدینغی بولامادم . بیلن ارباب معارف معلوماتی نشر ایدر
ایسه تاریخہ خدمت ایتمش اولور .

کرمان اوغلی سلیمان بک نامنه دکڑلی ده بولنان کتابه اولجه مجموعه مزده
نشر اولمشیدی [جزء ۸ صحیفه ۵۰۹] لادیق ده مضروب بر سکه سی ده
بروجه آتی تعریف اولونور .

لااله الا	سلیمان بن
الله محمد	محمد
رسول الله	لادیق

دکڑلی کرمان مملکتی ایله برابر سلطان مراد خان ثانی دورنده
(۸۳۲) ممالک عثمانیہ میانہ داخل اولدی .

احمد توحید

